

本草
迷
食



本草述鉤元藥目

卷九下 隰草部

瞿麥

葶藶子

車前子

車前葉

連翹

翹根

即連翹

藍

藍實

藍葉汁

板藍根

即馬藍

藍澱

青布

青黛

花靛

百合

菰

即魚腥草

刺蒺藜

白蒺藜

即沙苑蒺藜

穀精草

海金沙

燈心草

天名精

根即杜牛膝

鶴蟲

王不留行

虎杖

旱蓮草

蒲公英

即黃花地丁

大青

地膚子

馬蘭花

子即蠡實

菴藷子

扁蓄

即扁竹

卷十 毒草部



大黃

常山

苗卽蜀漆

商陸根

甘遂

大戟

芫花

蓖麻子

藜蘆

附子

川烏頭

天雄

草烏頭

半夏

南星

射干

白附子

澤漆

茵芋

續隨子

狼牙

石龍芮

曼陀羅花

莽草

卷十一

蔓草部

菟絲子

五味子

覆盆子

使君子

木鼈子

馬兜鈴

根

牽牛子

紫葳

卽凌霄花

栝蒌實

根

葛根

天門冬

百部



本草述鉤元卷九下

隰草部

武進楊時泰貞頤輯

瞿麥

卽洛陽花俗謂十姊妹莖細有節高一二尺葉似石竹梢黃
開花有紅紫粉藍斑斕數色結實如燕麥內子紫黑而圓第
在五月則黑六月則黃故宜采於夏至後交小暑節則遲矣
又方書中南天竺草卽生瞿麥也

穗

只用蕊殼
不雜莖葉

味苦微辛氣寒陽中之陰通心經利小腸

丹皮爲之使

主治關格諸癰結逐膀胱邪逆療五淋通月

經催生墮死胎

諸本草

小腸與心爲傳送小腸有實熱用此

利之若心經雖有熱而小腸虛者服之則心熱未退而小腸



別作病矣

宗奭

近古治產難有石竹花湯治九孔出血有南

天竺飲皆取其破血利竅也

湖瀕

下焦結熱小便淋閉或有

血出或大小便出血瞿麥穗一兩炙甘草七錢五分炒梔子
半兩爲末每服七錢連鬚葱頭七個燈心五十莖生薑五片
水煎至七分時時溫服

論 瞿麥專取蕊殼其用通心能化血分之結泣

破胎墮子而下閉血

夫血與小水是二是一故爲利小便君藥其華盛於五月午
月應心火其子黑色六月則黃非水合於火以化之徵歟取
蕊殼數粒并嚼之則味苦而有微辛合於子之黑色宜爲得
寒水之化者且午中丁火卽胎壬水水上合於火而氣化氣

化則血生是所謂通心氣行血化以治血分水分之病者也
總之陰陽之氣合同而化非偏於爲寒爲熱者故熱淋冷淋
舉須之但非小腸有熱不得以之爲主耳 又此味利小便
爲君當參經所云胞之脈屬心而絡於胞中又胞移熱於膀
胱爲癰閉及溺血之義夫血主於心化於胃統於脾藏於肝
歸於血海此味適爲通心化血之劑而小腸爲心之腑以行
其血化者也故水液必自小腸滲入膀胱胞中小水之病應
以爲君藥

性猛利善下逐凡腎氣虛小腸無大熱者忌之胎前產後一
切虛人小水不利者禁用水腫蠱脹脾虛者弗施仲 同莖

葉用令人氣噎及小便不禁

修治 先以葶竹漚浸一伏時漉出曬乾用

葶藶子

出藁城平澤田野間汴東陝西河北州郡亦有近以彭城曹州者爲勝他處不堪用春生苗葉高六七寸三月開微黃花結角列子如黍粒微長而黃味苦其入頂微甘者枸薺也

月令孟夏靡草死卽此物宜立夏後采實陰乾有苦甜二種其形則一

辛苦大寒氣薄味厚陽中之陰沉也手太陰經正藥亦入手陽明足太陽經 苦者下泄性急甜則稍緩不傷胃量病人

虛實用之得酒良宜大棗榆皮爲之使 主治積聚結氣大

能降氣療肺壅上氣咳嗽止喘促治皮間邪水上出面目浮

腫同辛酸用通利水道卜膀胱伏留熱氣除胸中痰飲諸本

與大黃皆大苦寒彼洩血閉此洩氣閉爲陽分肺亦能洩

大便東垣牽牛黑白二色急緩不同葫蘆甘苦二味良毒亦

異葶藶亦然大抵苦者下泄性急最易傷胃故以大棗輔之

然肺中水氣臍滿急者非此不除但不可過耳瀕湖葶藶稟

陰金之氣以生仲淳肺壅喘急不得臥葶藶炒黃搗末蜜丸

彈子大每用大棗二十枚水三升煎取二升入葶藶一九更

煎取一升頓服亦主支飲不得息 陽水暴腫面赤煩渴喘

急小便澹甜葶藶一兩半炒研末漢防已末二兩以綠頭鴨
血及頭合搗萬杵丸梧子大甚者空腹白湯下十九丸輕者五
丸日三四服五日止小便利爲驗神效一加豬苓末二兩
水腫尿澹甜葶藶二兩炒爲末以大棗二十枚煮汁去棗入
葶藶末煎至可丸如梧子每飲服六十九丸漸加以微利爲度
不可過劑令人不堪

論 葶藶子氣寒味苦爲陰何以能洩陽分肺中之閉

體輕象陽

抑至孟夏而死何以屬火曰此味稟陰金寒水之氣而達於
風木故三月開花結角一交火令卽受其氣以告成蓋水以
金爲母金以火爲主水無金則無母氣金無火則無主氣此

子色深黃水中具土又得少火之氣以成故即入手太陰以致其氣分之用經固曰肺者陽中之少陰也夫金不得火氣固無以行水之化若大稟乎火令則少陰之氣亦不能效其水化之全力葶藶之療欬嗽喘促者母金趨子之義也肺屬金而

爲氣之主若不合於心則陰不得合於陽而氣不能化葶藶本寒水之氣其色深黃水中具土勿論土必趨火之母而陰金樂於少火之氣以成乃得入心以致其氣分之用而洩肺中陽分之閉其即能行水化者腎原至肺由肺而還至膈中以達離中抑肺爲主氣之臟而能致氣化於水者豈徒母趨之坎也

乎子哉子固戀乎母也肺能致氣化於水是即水化之本原無結可破壅可決惟陰陽之氣有乖以致或結或壅則不能舍此中病之物以爲救標之治第必審病之能勝與否更須

適可而止勿過劑以速咎耳

葶藶屬火性急走而不守不利於脾胃虛弱及真陰不足之人凡腫滿由脾虛不能制水水腫尿瀉由膀胱虛無氣以化

者犯之則殆

丹溪仲淳

修治 同糯米微焙俟米熟去米搗碎用

車前子

此草好生道邊故名五月子已老宜端午日采陰乾

味微鹹有甘氣寒肝腎膀胱三經要藥

主治氣癰止痛

通尿

管淋瀝瀉痛

利水道除濕痺養肝強陰益精用壯氣化明目去風

毒肝中風熱毒風衝眼赤痛障腎腦痛淚出止暑濕暴瀉

利水

道分
清濁

利小便而不走精氣與茯苓同功

好古

車前行肝之

用肝之氣分藥也

由子

佐甘草梢除莖中濁痛配菟絲枸杞

之類能滋腎益陰壯陽

嵩

服固精藥久服此一泄即有子

雜餘

車前稟土之冲氣而兼天之冬氣以生故味甘鹹寒其

利水乃能強陰何也男子陰中有二竅一通精一通水二竅

不並開水竅常開則小便利而濕熱外洩不致鼓動真陽之

火精竅常閉而無漏洩久則真火寧謐而精用益固精固則

陰強矣

仲淳

同木通沉香橘皮升麻治氣癰

同二朮木瓜

石斛萆薢茯苓五加皮治濕痺

君白芍茯苓扁豆炙草治

水泄

獨用炒爲末專治濕勝水泄

同生地牛膝天冬麥

冬黃檗五味枸杞人參白膠治尿血及婦人血淋 同五味
覆盆蓮子蓮鬚山萸沒食子沙苑人參麥冬牛膝白膠魚膠
能強陰固精種子 同生地甘菊決明子元參蜜蒙花連翹
黃連柴胡生甘草治暴赤目痛 陰冷悶疼漸入囊內腫滿
殺人車前子末飲服方寸匕日二服 血淋作痛車前子曬
乾爲末每服二錢車前葉煎湯下 老人淋病身熱甚車前
子五合綿裹煮汁入青粱米四合煮粥食

論 車前味始微鹹而後有甘與澤瀉同其甘較遜於澤瀉
乃謂其利水而不走真氣不似澤瀉之有損更於目疾有專
功者何哉蓋小便氣道也而肝固司前陰之氣化者也車前

獨稟肝木之氣化而達於水腑觀其結實至五月已老

金氣不受

老則色黑

氣暢於火而歸於水

豈非稟木氣之全而能致木之用於所

司之水腑乎

木之用火也氣者火之靈是所謂能達肝木之氣化者也氣化達故爲肝經氣分藥

人身

寒水能爲風木病經云三陽一陰太陽脈勝一陰不能止內

亂五臟發爲驚駭如寒水之氣得化則風木還受其益故又

謂之養肝而至於強陰益精者以風木所達乃真水之用也

水中有火屬陽陰中之陽不舒則凡水不能效疏瀆之常而

真水乃病車前子由陰達陽俾真水之氣化不鬱謂之強陰

豈曰不然陰強則精益矣故肝用達而水之氣清濁陰無亂

於下并木之氣亦清風眚無變於上則豈非利而不洩行而

有補者哉

要知不在水化上爭通塞故能不走真氣而強陰益精

卽其除濕去瀉亦皆

由木之清氣達土之濁氣去不徒以滲泄爲功也木氣達火

用伸則此味非寒利可知且肝得達其風化而熱自清又能

去熱毒矣

是以目疾用祛風熱同諸味可療虛暗

第猶有說焉肝固血臟水與

血一源也何以又主氣道蓋由心屬火而小腸爲腑火陽也

小便之行雖本於血而不離於陽以宣之故肝爲心母以應

之主小便而所司在氣道者此也猶腎本生氣之元但以肺

屬金而大腸爲腑金陰也大便之行雖本於氣而不離於陰

以濡之故腎爲金子以應之主大便而所司在血道者此也

總之陰陽不能相離但各有所先肝之上升者陽也而陰乃

隨之故母應乎子肺之下降者陰也而陽乃隨之故子應於母耳

車前性走下竅凡內傷勞倦陽氣下陷之病不當用腎氣虛

脫者忌與淡滲藥同用

仲淳

修治 以水淘去泥沙曬乾入湯液炒過用入丸散酒浸一

宿蒸搗作餅曬乾焙研

車前葉 甘滑最利小水且泄精氣非子類也其療衄血下

血當是以行爲止之劑

連翹

秋時結實內作房瓣八月采房 有兩種一似椿實之未開

者殼小堅而外完無跗萼剖之則中解氣甚芳馥其實纔乾振之皆落不着莖也一種如茵蓐殼柔外有跗萼抱之而無解脈亦無香氣乾之雖久着莖不脫此種江南下澤間極多如椿實者乃自蜀中來入用爲勝

頌

味苦氣平性涼氣味俱薄輕清而浮升也陽也又爲陰中微陽入手足少陽及手少陰厥陰氣分兼入手陽明經

主散諸經血結氣聚治寒熱鼠瘻癰癰腫癰瘤結熱蠱毒

又氣閉火炎耳聾渾渾焮焮

正是少陽
膽之治

療心經客熱降脾胃

濕熱通月水利五淋小便不通於小兒諸瘡客熱最宜

諸本草

連翹瀉心經客熱爲瘡家聖藥

潔古

十二經瘡藥中不可

